

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2511 del 31/08/2023

Traduzione in mòcheno

PNRR, 600 tausnt euro ver za hèlven de imprenditorn projektn ver de Gamoa' va Palai en Bersntol

Finz as de 30 van leistagest ist moglech toalnemmen en òllgamo'nochrìcht ver en understützung van imprenditorn projektn gamòcht as de gamoa' va Palai en Bersntol ver en PNRR, Mission 1 Sait 3 Zuazol 2.1 ver de "Attrattività dei Borghi".

Zuagèlt ver de bèrkn as belln u'vongen an òrbet en lònt van Bersntol as kimmip gem abia verliar gèlt finz as de 75% van gèlt as men mu gem ont finz as de 90% ver nain bèrkn oder ver de bèrkn gamòcht va junga/baiber.

S ist a runt groasa hilf as zòmm pet de gamoa' va Palai men gip en de sèlln òrbetn as gem bèrt en lònt ont as nogea' en sèll as de projektn van PNRR belln pet de 20 milionen va euro - derklort der assessor va de Provinz en birtschòft verperser, suach ont òrbet, Achille Spinelli - S ist gèlt as gabiss bart dèster sai' ver de bèrkn as barn mòchen verpersern ont envire gea' en hòlb ont long zait positiv ver de gònze gamoa'schòft".

De vrong ver en zuagèlt mein kemmen gamòcht va gònz kloa'na, kloa'na bèrkn as vourtrong imprenditorialnprojektn aloa' oder en zòmmbèrkn va kapital oder va lait, ont nou de bèrkn aloa' ont en zòmmleing se no en de artikln 2511 ont derno gamòcht van zivil verregl.

De hilfn kemmen gem lai unter verliar gèlt ont en meareste messenkait van 75% van projekt as mu kemmen gem ver nèt mear va 150.000,00 euro, no en verregl de minimis. Men mu krieg der 90%, òlbe nèt mear van meareste as men mu krieg, ver de nain bèrkn as meing kemmen nai gamòcht en de 20 to derno va benn as ist kemmen guat omport gem en de vrog, oder ver de bèrkn as sai' gamòcht va junga/baiber.

S òllgamo'nochrìcht ont de documentn as kearn en sai' en doi link:

<https://www.provincia.tn.it/Servizi/PNRR-M1C3I2.1-Contributi-iniziative-imprenditoriali-comune-Palu-del-F>

De innschraimse vrong miasn kemmen tschikt pet de PEC vour en 30 van leistagest 2023 en adress: dip.sviluppoeconomico@pec.provincia.tn.it abia betrèff s miast kemmen tschrim: "avviso M1C3 I2.1. iniziative imprenditoriali Palù del Fersina".

De formatn van file as mein kemmen u'ganommen sai': PDF oder PDF/A (pet estension .p7m benn de sai' digitalet unterschrim); s kemmen nèt u'ganommen de file en kloa' gamòcht (abia:.zip;.rar; ont òndra.). Aupassn: de pdf as meing kemmen ausfillkt miasn sai' gabèckslt vour za kemmen tschickt.

"Attrattività dei Borghi", bos ist

Turch de Mission 1 Sait 3 Zuazol 2.1. "Attrattività dei Borghi", der PNRR hòt gabellt hèlven s birtshòft ont s social verperser van kloa'n lònt en balschlònt, gschichtn derver as hom an kultural, gschicht ont praich pahalter.

Ver dòs pet de Linea va òrbet A hòt ausfuntn zbuansk gamoa'n ver vournaia projektn ver za verpersern ont

vernaiern s kultural, social ont birtschoft pahalter va 20 derver as sai' iaz lar oder bea'ne galept ont riskiarn za sterm.

En merz van 2022 de Autonome Provinz va Trea't hòt vourtrong de vrog ver za toalnemmen en projekt ver en dorf va de gamoa' va Palai pet an projekt gahoasn: "De kròft va de minderhait: mòchen bider len s taitches dorf en sud van Alpn", der PNRR hòt ver dòn gem a zuagèlt va 20 milionen va euro.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)